



Ane Hansen, Inatsisartuni ilaasortaq, Inuit Ataqatigiit

**Arctic Circle Greenland Forumimi Greenland Investip
peqataanera pillugu § 37 tunngavigalugu apeqqummut
akissut**

Asasara Ane Hansen

Inatsisartut suleriaasianni § 37 imm. 1 naapertorlugu apeqqutinik ataaniittunik saqqummiussivutit. Apeqqutit issuarneqarput tulliuuttumilu ataasiakkaarlugit akineqarlutik.

Apeqqutigineqartut tamaasa akineqarnissaannut paasissutissanik Nunanut Allanut Pisortaqarfik pigisaqanngilaq, taamaattumik apeqqutinut 4) aamma 5)-imut Aningaasaqarnermut Naalakkersuisoqarfimmiit aamma apeqqut 3)-mut Ineqarnermut, Sanaartornermut Attaveqarnermullu Naalakkersuisoqarfimmiit ilanngussassanik pissarsiniarsimalluni.

Akissutit aamma Naalakkersuisut Siulittaasuata Naalakkersuisoqarfiani aamma Inuusutissarsiornermut, Suliffeqarnermut Niuernerullu Naalakkersuisoqarfimmi tusarniutigineqarsimapput.

Nunanut Allanut Pisortaqarfik akissutit pissarsiarineqartut katersornerinik isumaginnissimavoq.

- 1) Isumasioqatigiinnermi Arctic Circle Nuuk Forum-imi Issittumi aningaasaliisarnissamut periarfissat pillugit sammisaqarnermi saqqummiussisut ilaat, programimi "Greenland Invest"-imeersutut allassimasoq, ilaatigut Nunatsinni mittarfiliornissanik pilersaarutit pillugit saqqummiussivoq oqarporlu "ataatsimiititaliamut pilersaarutit saqqummiunneqareersut". Greenland Invest-imeersoq kikkut sinnerlugit saqqummiussiva qanorlu Inatsisartunilu ataatsimiititaliaq pineqarsimappat ataatsimiititaliamut suut saqqummiunneqarsimanersut ilisimavai?**

Akissut:

Saqqummiussisoq Greenland Investimeersuuvoq, taanna suliffeqarfiuvoq namminersortunit pigineqartoq. Ataatsimiititalianut sunut innersuussisoqarnersoq kiisalu saqqummiussisup sunik paasisimasaqarneranut Naalakkersuisut ilisimasaqanngillat.

- 2) Greenland Invest ingerlatseqatigiiffik qanoq ittuuva kikkunniillu aqunneqarlunilu pigineqartuua?**

Akissut:

Greenland Invest tassaavoq suliffeqarfik namminersortunit pigineqartoq, Naalakkersuisunut atassuteqanngitsoq.

08-06-2016
Sags nr. 18502
Dok. nr. 2876660

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.naalakkersuisut.gl

3) Greenland Invest sulianut Namminersorlutik Oqartussanit ingerlanneqartunut sunut akuuva aningaasaliisuulluniluunniit?

Akissut:

Piffissaliussap iluani Ineqarnermut, Sanaartornermut Attaveqarnermullu Naalakkersuisoqarfimmiit ilanngussassanik pissarsinissaq ajornarsimammat apeqqut kingusinnerusukkut akineqarumaarpoq.

4) Greenland Invest-imeersoq aamma Naalakkersuisut mittarfiliornissamut aningaasaliisussamik ingerlatseqatigiiffimmik pilersitsinerarlugit oqaaseqarpoq. Saqqummiussisup qanoq ilisimavaa taama iliortoqartoq, Naalakkersuisullu uppersinisinnaavaat suliaq taanna piviusunngortinneqarsimammat?

Akissut:

Taamatut ingerlatseqatigiiffimmik akuersinissaq pillugu isummernissamut tunngavissiaq maannakkut Aningaasaqarnermut Akileraartarnermullu Ataatsimiititaliami suliarineqarpoq. Siunnersuut tusagassiorfinni kiisalu Naalakkersuisut nittartagaanni ilisimatitsissutigineqarsimavoq.

5) Greenland Invest Nunatta aningaasanik attartorsinnaanermut qummut killiliussaa saqqummiuppaa oqarlunilu mittarfiliornissat piviusunngortinneqassappata killiliussaq taanna qaangerneqarsinnaassasoq. Naalakkersuisut tamatumunnga uppersaasinnaappat?

Akissut:

Taarsigassarsinissamut maannakkut piumasaqaatinit, Naalakkersuisut Nordisk Investeringsbankimik (NIB) isumaqatigiissutaannit takuneqarsinnaavoq Namminersorlutik Oqartussat taarsigassarsiat akilersorneranni piffissami arlaannaaniluunniit akuliuttussaangitsut uku piumasaqaatigalugit:

- I. Nunatta Karsiata ilanngaasereermermut isumannaallisakkat akiitsui, tassa imaappoq Nunatta Karsiata ilanngaasereerluni akiitsut erniaqartinneqartut aamma Namminersorlutik Oqartussanit pigineqartut ingerlatseqatigiiffiit ilanngaasereerluni akiitsui erniaqartinneqartut, Nunatta Karsiata isertitaasa tamarmiusut annerpaamik 75 %-ianit annertunerussangillat.
- II. Nunatta Karsiata ilanngaasereerluni ernialersorneqartut akiitsui, tassa imaappoq akiitsut ernialersorneqartut Nunatta Karsiata aningaasaatai tigorianaanaat ilanngaatigalugit Nunatta Karsiata isertitaasa tamarmiusut annerpaamik 20 %-ianit annertunerussangillat.

2015-p naanerani Nunatta Karsiata aamma Namminersorlutik Oqartussanit pigineqartut ingerlatseqatigiiffiit anginerit aqqanillit ilanngaasereermermut isumannaallisakkat akiitsui 1.771 mio. koruuninik annertussuseqarput. Taakkunannga -719 mio. koruunit tassaapput Nunatta Karsiata ilanngaasereerluni akiitsui ernialersukkat sinneruttullu 2.490 mio. koruunit tassaallutik ingerlatseqatigiiffiit anginerit aqqanillit akiitsui.

2016-imi Aningaasaqarnikkut Ingerlatsineq pillugu nassuiaat malillugu naatsorsuutigineqarpoq ingerlatseqatigiiffinni, kommunini aamma Namminersorlutik Oqartussani ilanngaasereerluni akiitsut ernialersorneqartut 2018-ip naanerani 3.4 mia. koruuninut qaffakkumaartut, tassa Nunatta Karsiata 2015-imi isertitaasa 50 %-iisa missaat. Tassunga ilanngutissapput mittarfinnut atatillugu taarsigassarsiat.

Namminersorlutik Oqartussat aamma aktiatileqatigiiffiit ataatsimoorlutik taarsigassarsisinnaaneri sinneruttut qularnangitsumik Ilulissani, Nuummi, Qaqortumi, Tasillami aamma Ittoqqortoormiini mittarfiit allineqarnissaannut eqqarsaatigineqartut tamaasa kiisalu nunap immikkoortuini mittarfiit mikinerusut sanaartornissaasa aningaasalersornissaannut naammassanngillat. Mittarfiit nutaat saniatigut immap naqqatigut kabel-ip kiisalu uuliamik eqqussuineq inangerniarlugu innaallagissiorfiit aamma erngup nukinganik innaallagissiorfiit allilerneqarnissaat pillugit kissaateqartoqarpoq. Taakku saniatigut Namminersorlutik Oqartussat aamma Nunatta Karsiata aningaasaataanit tigoriaannarni sillimmateqarnissamik pisariaqartitsipput kiisalu pisunut naatsorsuutigingisanut sukkasuumik taarsigassarsinissamut periarfissaqarnissaq.

Taamaattumik Aningaasaqarnermut Naalakkersuisoqarfiup Nordisk Investeringsbankimi ulloq 15. marts 2016-imi allakkatigut oqaatigaa maannakkut taarsigassarsiani taarsigassarsinermut piimasaqaatit isumaqatiginniutigeqqinnissaat pillugu pisariaqartitsisoqarsinnaasoq kissaateqartoqarsinnaasorlu.

6) Naalakkersuisut qanoq "Greenland Invest"-imit isumasioqatigiinnermi Arctic Circle-mi saqqummiunneqartut isumaqarfigaat?

Akissut:

Oqaaseqaateqanngilaq.

7) Naalakkersuisut siusinnerusukkut isumasioqatigiinnernilu allani "Greenland Invest" Nunarput sinnerlugu saqqummiussinissaanut isumaqatigiissuteqarfigisarsimavaa? Taamaassimappat tamakku sumi qangalu pisarsimappat?

Akissut:

Greenland Invest ataatsimeersuarnernut allanut Kalaallit Nunaat sinnerlugu paasissutissanik saqqummiussinissamut qaaqquneqarsimanersoq Naalakkersuisut ilisimasaqanngillat.

Vittus Qujaukitsoq
Inngutimernermik mulittisaqussillunga

Vittus Qujaukitsoq